

後漢書

三九

後

漢

書

卷

後漢書志第二十

郡國二

劉昭

注補

潁川

汝南

梁國

沛國

陳國

魯國

右豫州

魏郡

鉅鹿

常山

中山

安平

河間

清河

趙國

勃海

右冀州

潁川郡

秦置雒陽東南五百里

十七城戶二十六萬三

千四百四十口百四十三萬六千五百一

十三

陽翟禹所都

汲冢書禹都陽城古史考曰鄭厲公入櫟即此也晉

地道記曰去雒陽二百八十六里屬河南

有鈞臺

左傳曰夏啓有鈞臺之享杜預曰有鈞臺

陂帝王世記云在縣西

有高氏亭

左傳成十七年衛侵鄭至高氏杜預曰縣西南

有

雍氏城

左傳襄十八年楚伐鄭侵雍梁杜預曰在縣東北史記齊湣王十二年攻魏楚圍雍

氏襄有養陰里

襄城

左傳定四年盟臯鼫杜預曰縣東南有城

臯亭

有西不羹

杜預曰有不羹城

有汜城

杜預曰在縣南周襄王所

處

有汾丘

左傳襄十八年楚治兵於汾杜預曰縣東北有汾丘城

有魚齒

山

左傳謂魚陵杜預曰魚齒山也在犍縣北

昆陽有湛水

左傳襄十六年

楚公子格與晉戰於湛阪

定陵有東不羹

杜預曰縣西北有不羹亭地道記曰

高陵山汝水所出

舞陽邑

郾

臨潁

潁陽

潁

陰

左傳文九年楚伐鄭師於狼淵杜預曰縣西有狼陂獻帝遣兼御史大夫張音奉皇帝璽綬策

書禪帝位於魏是文帝繼王位南巡在潁陰有司乃為壇於潁陰庚午登壇魏相國華歆跪受璽綬以進

於王王既受畢降壇視燎成禮而反帝王世記云魏文皇帝登禪于曲蠡之繁陽亭為縣曰繁昌亦禹貢

豫州之域今許之封內今潁川繁昌是也北征記曰城在許之南七十里東有臺高七丈方五十步臺南

有壇高二丈方三十步即受終之壇也案北征記云是外黃縣繁昌城非也

有狐宗鄉

或曰古狐人亭有岸亭

史記魏哀王五年秦伐魏走犀首岸門徐

廣曰許左傳莊二十八年楚伐鄭鄭奔桐丘杜預曰縣東北有桐丘城獻帝徙都改許昌

新汲左傳文元年衛孔達侵鄭伐縣訾及匡杜預曰縣東北有匡城成十七年伐齊至曲洧杜預

預曰縣治曲洧春秋時曰隰保故曰克段於

隰又成十六年晉敗楚於長社有長葛城左傳隱五

年宋伐鄭圍長葛縣本名長葛地道記曰社中樹暴長漢改名有向鄉左傳襄十

師于向杜預有蜀城有蜀津史記曰魏惠王元年韓趙合軍伐魏

蜀陽城帝王世記曰陽有嵩高山山海經謂

山禹貢有外方山鄭玄毛詩譜云外方之山即嵩也孟子曰益避禹之子於箕山之陰注云嵩高之北

洧水潁水出晉地道記曰潁有鐵有負黍

聚

史記曰周勃王十九年鄭代負黍馮敬通賦遇許由於負黍山也

父城有應

鄉

杜預曰應國在西南史記曰客謂周最以應為秦王太后養地

輪氏建初四

年置

汝南郡

高帝置雒陽東南六百五十里

三十七城戶四十萬

四千四百四十八口二百一十萬七百八

十八

平輿有沈亭故國

姬姓

有摯亭見說文

新陽

侯國

西平有鐵有柏亭故柏國

上蔡

本蔡國

南頓本頓國

汝陰本胡國

杜預曰縣

西北有胡城地道記有陶丘鄉詩所謂汝墳

汝陽

新息國

北宜

春 隱強侯國 濯陽 期思有蔣鄉故

蔣國 陽安道亭故國 杜預曰在縣南袁山松書有朔山魏氏春

秋曰初平三年分 項 故國左傳僖十七年魯所滅二縣置陽安都尉 地道記曰有公路城索術所

築西華 細陽 安城侯國有武城亭

吳房有棠谿亭 左傳曰房國楚靈王所滅又楚封吳王夫概於棠谿地道

記有 鮦陽侯國 皇覽曰縣有葛陂鄉城東北有吳城 楚武王冢民謂之楚王岑永平

中葛陂城北祝里社下於土中得銅鼎而銘曰楚武王之冢民傳言秦項赤眉之時欲發之輒頽壞厭不

得 慎陽 慎 新蔡有大呂亭 地道記曰故呂侯國左傳

昭四年吳伐楚入櫟杜 安陽侯國有江亭故 預曰縣東北有櫟亭

國嬴姓 富波侯國永元中復 宜祿永

元中復郎陵侯國 左傳成六年楚拒晉桑陵杜預曰縣東有桑里亭 弋

陽侯國有黃亭故黃國嬴姓 召陵 左傳昭十

三年楚蔡公與子干子皙盟于鄧杜預曰縣西南有鄧城 有涇亭 左傳僖四年齊伐楚次涇

杜預曰在縣南蘇秦說韓宣惠王曰南有涇山 有安陵鄉 征羌侯國

有安陵亭 史記元忌說魏安僖王曰王之使者出過而惡安陵氏於秦博物記曰故

安陵君也 思善侯國 宋公國周名鄴丘漢改

為新鄴章帝建初四年徙宋公於此有繁

陽亭 左傳襄四年楚師繁陽杜預曰鮦陽南有繁陽亭 褒信侯國有

賴亭故國

史記楚封王孫勝白公杜預曰褒信縣有白亭

原鹿侯國

春秋左氏傳僖二十一年宋盟鹿上杜預曰原鹿縣也

定潁侯國

固始

侯國故寢也光武中興更名有寢丘

史記曰楚

莊王封孫叔敖子又蒙恬破楚軍

山桑侯國故屬沛有下城

父聚有垂惠聚

蘇茂奔垂惠王劉紆

城父故屬沛春

秋時曰夷

夷屬陳左傳僖二十三年楚所取有乾谿在縣南

有章華臺

杜預曰章華宮在華容縣城內

梁國

秦碭郡高帝改其三縣元和元年屬雒陽東南八百五十里

九城戶八

萬三千三百口四十三萬一千二百八十

三下邑

左傳哀七年築黍丘杜預曰縣西南有黍丘亭

睢陽

北征記曰城周

三十七里南臨濊水凡二十四門地道記曰梁孝王築城十二里小鼓唱節并下而和之稱睢陽曲

宋國闕伯墟有盧門亭

左傳桓十四年宋伐鄭取太宮之椽為盧

門之椽昭二十一年敗吳鴻口亭地道記曰昭二十一年禦諸橫橫亭在縣南

魚門

左傳僖二十二年邾人懸公冑於魚門

有陽梁聚

左傳襄十二年楚伐

宋師楊梁杜預曰有梁亭僖二十八年楚子玉夢河神謂己曰吾賜汝孟諸之麋杜預曰在縣東北爾雅

十數宋有孟諸

虞有空桐地有桐地有桐亭

左傳哀二十六年

年宋景公死空桐

有綸城少康邑

碭山出文石

史記

曰高祖隱於芒碭山澤

蒙

帝王世記曰有北亳即景亳湯所盟處

有

蒙澤

左傳宋萬殺宋閔公於蒙澤僖二年齊侯盟貫杜預曰縣西北有貫城貫字與貫字相似

穀熟有新城

左傳曰文十四年諸侯會新城帝王世記有南亳

有邳

亭

古邳國

隰故屬陳留

寧陵故屬陳留

左傳成十六年會沙隨杜預曰縣北有沙隨亭

有葛鄉故葛伯國

左傳曰在

縣東

薄故屬山陽所都

杜預曰蒙縣西北有薄城中有湯冢左傳宋公

子御說奔亳其西又有微子冢

沛國

秦泗川郡高帝改雒陽東南千二百里

二十一城戶二十

萬四百九十五口二十五萬一千三百九

十三

相

左傳桓十五年會於袤杜預曰在縣西南一名犂

蕭本國

北征

記城周十四里南臨汙水沛有泗水亭亭有高祖碑班固為文見固集地道記有許城

左傳定八年鄭伐許豐地道記曰去國二百六十西有大

澤高祖斬白蛇於此有粉榆亭案前志注粉榆社在縣東

北十五里或鄉名高祖里社戴延之西征記曰縣西北有漢祖廟為亭長所處鄼左傳昭

伐楚入棘杜預曰縣東北有棘亭襄元年鄭侵宋取犬丘杜預曰縣東北有犬丘城帝王世記曰曹騰封

費亭侯縣有費亭是也有鄆聚左傳曰異為不道伐鄆三門服虔曰鄆晉別都杜預曰是

虞邑地處闕則非此鄆矣穀陽譙平陽邑左傳

博物記曰諸侯會于鄆亭楚所取乾刺史治漢官曰去雒浹有垓下聚高

破項羽也蕘有大澤鄉陳涉起此史記曰高祖擊黥布於會甄徐廣曰

在縣西
銓 郢 建平 臨睢故芒光武更

名 竹邑侯國故竹 公丘本膠國杜預曰在

縣東南
龍亢地道記曰左傳隱二年入向城在縣東南 向本國 符

離 虹地道記云左傳昭八年大蒐於紅 太丘 杼秋故

屬梁國有澶淵聚左傳襄二十一年盟於澶淵

陳國高帝置為淮陽章和二年改雒陽東南七百里 九城戶十一萬

二千六百五十三口百五十四萬七千五

百七十二 陳帝王世記曰庖犧氏所都舜後所封左傳僖元年會於榑杜預

曰縣西北有榑城爾雅曰丘上有丘曰宛丘陳有株邑蓋朱襄之地博物記曰平地在縣北防亭在焉詩

曰印有音若防有歆巢

陽夏有固陵聚

史記高祖五年楚項籍至固陵晉卿

漢書注云汝南固始縣

寧平

苦春秋時曰相有賴

鄉

伏滔北征記曰有老子廟廟中有九井水相通古史考曰有曲仁里老子里也地道記曰城南

三十里有平城

柘

新平

扶樂

武平

尤傳成十六年諸侯侵陳

鳴鹿杜預曰縣西南有鹿邑

長平故屬汝南

左傳宋華氏戰于鬼閭杜預曰

縣西北有閭亭

有辰亭

左傳宣十一年盟辰陵杜預曰縣東南有辰亭

有赭丘

城

魯國

秦薛郡高后改本屬徐州光武改屬豫州

六城戶七萬八千

四百四十七口四十一萬一千五百九十

魯國奄國

帝王世記曰黃帝主於壽丘在魯東門之北少昊自窮桑登帝位窮桑在

魯北後徙曲阜應劭曰曲阜在魯城中委曲長七八里左傳曰伯禽封少昊之墟僖二十九年介葛盧舍于昌衍杜預曰縣東南有昌平城皇覽曰奄里伯公冢在城內祥舍中民傳言魯五德奄里伯公葬其宅

有大庭氏庫

杜預曰大庭氏古國名在城內魯於其處作庫

有鐵有

闕里孔子所居

漢晉春秋曰鍾離意相魯見仲尼廟頽毀會諸生於廟中慨然

歎曰蔽芾甘棠勿剪勿伐況見聖人廟乎遂躬留治之周觀輿服之在焉自仲尼以來莫之開也意發視之得古文策書曰亂吾書董仲舒治吾堂鍾離意辟有七張伯盜一意尋案未了而卒張伯者治中庭治地得六辟上之意曰此有七何以不遂伯懼探野懷中魯咸以為神意別傳曰意省堂有孔子小車乘皆朽敗意自糶俸雇漆膠之直請魯民治之及護几席嗣履後得甕中素書曰護吾履鍾離意又禮記饗相

之圃亦在城中西南近孔子廟而仲尼墓在魯城門
北便之外泗水上去城一里葬地蓋一頃墓墳南北
十步東西十三步高一丈二尺墓前有甓甃為祠壇
方六尺與地平塋中異木以百數魯人莫能識也皇
覽曰孔子本無祠堂塋中不生荆棘及刺人草伯魚
冢在孔子冢東與孔子冢併大小相望子思冢在孔
子冢南案今墓書孫在
祖前謂此為驕孫祔

有牛首亭

左傳曰桓十四
年宋伐鄭取牛

首有五父衢

地道記曰驪本邾國有驪山
在城東

秦始皇刻石焉劉蒼驪山記曰邾城在山南去山二
里城東門外有韋賢墓北有繹山左傳文十三年邾

遷於繹郭璞曰繹山純石積構連屬城北有牙山牙
山北有唐口山唐口山北有陽山城北有孟軻冢焉

蕃有南梁水

左傳襄四年戰狐台杜
預曰縣東南有目台亭薛本國

地道記曰夏車正奚仲所封冢在城南二十里山上
皇覽曰靖郭君冢在城中東南陬孟嘗君冢在城中